

NAPLAN i luga o le pepa- Fa'amatalaga mo matua ma tausi-tagata

O le a faia e lau tama su'ega o le NAPLAN i luga o le pepa

Ua malilie minisitā o a'oga o le feterale, setete ma le teritori e sui malie a'oga mai le fa'aaogaina o pepa NAPLAN o loo iai le taimi nei i le NAPLAN Online ina ia maua su'esu'ega sili atu le lelei ma manino ma aogā mo tamaiti a'oga.

O le a fua lava e le pulega o a'oga a le setete ma le teritori poo le a le taimi e sui ai i le upega tafa'ilagi. O le fuafuaga o loo iai nei e mo a'oga ina ia sui i le NAPLAN Online i le 2022.

Aiseā e faia ai e tamaiti a'oga le NAPLAN?

O le Polokalame o le Su'esu'ega- Faitau, Tusitusi ma le Numera (NAPLAN) e iloiloaina le tomai i le faitau, tusitusi ma le numera e tāua mo soo se tamaititi ina ia alualu ai i luma i le a'oga ma le olaga.

O tamaiti a'oga i le Tausaga 3,5,7 ma le 9 e auai i su'ega fa'alētausaga a le NAPLAN i le faitau, tusitusi, tauafioaga o gagana(sipela, kalama ma fa'ailoga) ma le numera.

O lenei iloiloga e fa'ailoa atu ai i mātua ma a'oga le tulaga fa'atino a le tamaititi a'oga ta'ito'atasi i le taimi o su'ega. O le NAPLAN o se vaega e tasi o le iloiloga i le a'oga ma fa'agasologa o lipoti- e lē sui tulaga i ni iloiloga na fai e ni faia'oga e uiga i le fa'atinoga a le tamaititi a'oga.

E saunia fo'i le NAPLAN a'oga, pulega o a'oa'oga ma malo i fa'amatalaga e uiga i le fa'agasologa o polokalame tau a'oa'oga ma poo 'ausia e tupulaga Ausetalia ni i'uga tāua i le faitau, tusitusi ma le numera.

O a mea e iloiloaina e le NAPLAN?

E iloilo e le NAPLAN le tomai i le faitau, tusitusi ma le numera o lo'o a'oa'oina e le tamaititi a'oga i totonu o mataupu a'oa'oina a o latou a'oga masani. Na iai uma le sao a pulega a a'oa'oga a le malo ma fa'alapotopotoga tuma'oti i le atina'eina o mea fa'aaogaina e le NAPLAN.

E iloiloaina tamaiti a'oga i luga o le mataupu a'oa'oina lava e tasi i le faitau, tusitusi ma le numera, tusa lava pe uma la latou su'ega i luga o le upega tafa'ilagi poo luga o le pepa. O fa'aiuga o su'ega i luga o nei auala e lua e mafai ona lipotia i luga o le fua ea o su'esu'ega a NAPLAN.

O le a sa'u mea e fai e lagolagoina ai la'u tama?

I luga lava o ia, o le NAPLAN e lē o se su'ega e mafai ona su'esu'e aga'i iai ma e lē fa'amoemoe fo'i tamaiti ao'ga latou te faia lea.

E mafai ona e lagolagoina lau tama i le fa'amautinoa lea iā i latou o le NAPLAN e na'o se vaega e tasi o le polokalame a le a'oga, ma fa'amanatu iai i lena aso ina ia taumafai i le lelei e gata mai ai.

E le fautuaina e le ACARA ni sauniuniga e tele mo le NAPLAN poo le fa'aaogaina o 'auaunaga o le aumai o ni faia'oga fa'apitoa.

O le a fa'amautinoaina e faia'oga a latou tamaiti a'oga i ituaiga fesili i totonu o su'ega ma avatu le lagolagosua talafeagai ma se ta'iala.

Vaai fa'ata'ita'iga o fesili o le NAPLAN i le nap.edu.au/naplan

Auai atu i le NAPLAN

O tamaiti a'oga uma i le Tausaga 3,5,7 ma le 9 e fa'amoemoe ina ia auai i totonu o le su'ega NAPLAN fa'aletausaga. O tamaiti a'oga e le atoatoa le malosi e ono agavaa mo suiga e atagia ai le lagolago e masani ona saunia mo su'ega i vasega. E tatau ona e talanoaina le fa'aaogaina o soo se suiga mo lau tama i lana faia'oga.

O se tamaititi a'oga e lē atoatoa le malosi ma ua tapulaa lona malosi ina auai ai i le su'ega, poo se tamaititi a'oga fa'atoā taunuu mai Ausetalia ma e lē tautala i le gagana peretania, e ono avatu iai se fa'atagana aloaia.

O le a mafai ona avatu e le pulea'oga ma le pulega o su'ega nisi fa'amatalaga i ni aiaiga fa'apitoa poo se fa'asologa mana'omia ina ia maua ai se fa'atagana aloaia.

Fa'aapefea pe a to'esea la'u tama mai le a'oga i aso o le NAPLAN?

I se tulaga mafai, e ono saunia e a'oga nisi aso o le vaiaso o su'ega e fa'ataunuu ai su'ega na misi a tamaiti a'oga ia na to'esea i le taimi o le su'ega.

E fa'aapefea ona lipotia le taumafaiga a la'u tama?

O le taumafaiga a le tamaititi ta'ito'atasi o lo'o fa'aalia i luga o le fua o maka 'ausia mo su'ega ta'itasi. O le fa'ai'uga i le tulaga maualalo fa'aleatunuu e ta'u mai ai ua fa'aalia e le tamaititi a'oga le tomai amata i le faitau, tusitusi ma le numera e mana'omia ina ia auai atoa ai i lena tausaga o a'oa'oga.

O le a avatu e le a'oga a lau tama le lipoti ta'ito'atasi NAPLAN i se taimi i totonu o le tausaga. Afai e te lē mauaina le lipoti, e tataua ona e fa'afeso'ota'ia le a'oga a lau tama.

Taimi Fa'atulagaina a le NAPLAN

E amata le su'ega o le NAPLAN i le Aso Lua 11 o Me ma e uma i le Aso Tofi 13 o Me 2021.

O fa'atulagana mana'omia mo pepa su'ega o lo'o auiliili atu i totonu o le pusa o i lalo.

E fa'aapefea ona fa'aaogaina i'uga o su'ega a le NAPLAN?

- E mafai e tamaiti a'oga ma mātua ona fa'aaogaina i'uga o su'ega e talanoaina ai le alualu i luma ma faia'oga.
- E fa'aaogaina e faia'oga i'uga o su'ega ina ia fa'ailoa lelei ai tamaiti a'oga e mafai ona manuia mai lu'itau sili atu poo lagolago fa'aopoopo.
- E fa'aaogaina e a'oga fa'ai'uga o su'ega ina ia iloa malosiaga ma auala e fa'aleleia ai polokalame a'oa'o, ma fuafua ai sini o le faitau, tusitusi ma le numera.
- E fa'aaogaina e a'oga i'uga o su'ega ina ia iloilo ai polokalame ma lagolago ofoina atu i a'oga.
- E mafai e le lautele ona vaai i i'uga o su'ega o le NAPLAN i luga o le myschool.edu.au

O fea e mafai ona maua ai nisi fa'amatalaga?

Mo nisi fa'amatalaga e uiga i le NAPLAN:

- Fa'afeso'ota'i le a'oga a lau tama
- fa'afeso'ota'i pulega o su'ega le nap.edu.au/TAA
- asiasi nap.edu.au

Ina ia silafia le tagofiaina e ACARA o fa'amatalaga patino i le tagata mo le NAPLAN, asiasi le nap.edu.au/naplan/privacy

Su'ega i luga o le pepa	Aso Lua 11 o Me	Aso Lulu 12 o Me	Aso Tofi 13 o Me
Tauaofiaga o Gagana O lenei su'ega e iloilo ai le sipela, kalama ma fa'ailoga	Tausaga 3: 45 min. Tausaga 5: 45 min. Tausaga 7: 45 min. Tausaga 9: 45 min.		
Tusitusi O le a avatu i tamaiti a'oga ni 'tusitusiga fa'aosofia' (o nisi taimi e ta'u o le 'vave'-se manatu poo se autū) ma talosaga ina ia tusi ia tali i se ituaiga fa'apitoa(tusitusiga fa'amatala poo tusitusiga fa'atauanau)	Tausaga 3: 40 min. Tausaga 5: 40 min. Tausaga 7: 40 min. Tausaga 9: 40 min.		
Faitau E faitau e tamaiti a'oga tusitusiga malamalama, tala fatu ma fa'atauanau ma tali fesili e feso'ota'i		Tausaga 3: 45 min. Tausaga 5: 50 min. Tausaga 7: 65 min. Tausaga 9: 65 min.	
Numera O lenei su'ega e iloiloaina ai le numera ma le algebra, o fua ma le geometry, ma fuainumera fa'amaumau ma fa'amatalaga o numera			Tausaga 3: 45 min. Tausaga 5: 50 min. Tausaga 7: 65 min. Tausaga 9: 65 min.